

ԱՐՈՒՃԻ ՏԱՃԱՐԻ 666 Թ. ՈՐՄՆԱՆԿԱՐԸ

ԿԱՐԵՆ ՄԱԹԵՎՈՍՅԱՆ

Հայաստանի պետական պատկերասրահում, արևմտաեվրոպական, ռուսական և հայկական գեղանկարչական հարուստ հավաքածուներից բացի, պահվում են հայկական միջնադարյան տաճարների որմնանկարներից և ձեռագրերի մանրանկարներից կատարված բաղմաթիվ արժեքավոր ընդօրինակություններ։ Դրանցից է Արուճի տաճարի որմնանկարը։ «Արուճի եկեղեցին ոչ միայն իր մեծությամբ և բարձրությամբ է նշանավոր, այլ շինարարական տեսակետով ևս սքանչելի է», — գրում է Թորոս Թորամանյանը և այն համարում «մի գոհար VII դարու մեջ»¹։

Տաճարի որմնանկարի մանրազնին ուսումնասիրությամբ զբաղվել է հայ միջնադարյան գեղանկարչության ճանաչված մասնագետ, արվեստաբան Լ. Ա. Դուրնովոն, որի կարծիքով այն նոր և կարևոր էջ է հայկական գեղարվեստական մշակույթի զարգացման պատմության մեջ²։

Պատկերասրահում են գտնվում տաճարի ավագ խորանի մեծածավալ դարդագոտու (100×960 սմ) 1950 թ. ընդօրինակությունը (կատարողներ՝ Գ. Խանադյան, է. Կորխմազյան) և որմնանկարի 1973 թ. ամբողջական ընդօրինակությունը (կատարողներ՝ Վ. Բաղդասարյան, է. Կորխմազյան, Ս. Հովհաննիսյան)։

Արուճի տաճարի որմնանկարը ավագ խորանի գմբեթարդում պատվանդանի վրա կանգնած Քրիստոսի մեծադիր պատկերն է (մոտ 7 մ բարձրությամբ), որի ձախ, պարզած ձեռքին կա ալիքաձև ոլորաններով ցած իջնող մազադաթազալար՝ Հովհաննու ավետարանից վերցրած քաղվածքով (զլ. XIV, տուն 21)։ Այժմ այդ պատկերի միայն ներքևի մասն է պահպանվել՝ ծնկներից մի փոքր վերև, ուստի, հայտնի չէ, թե ինչ դիրքում է եղել սա ձեռքը։ Խորանը երիզող լայն զարդագոտին երկու հատվածի է բաժանում մարգարիտներով և գունազեղ քարերով զարդարված պատվանդանը։

Նկատի ունենալով կենտրոնական պատկերի աջ և ձախ կողմերի (այժմ ծեփաղուրկ) ընդարձակ տարածությունը, Լ. Ա. Դուրնովոն ենթադրում է, որ այդտեղ պատկերված են եղել կամ հրեշտակներ, կամ էլ տաճարի հովանավոր և պատվիրատու Գրիգոր Մամիկոնյանն ու իր կին Զեղինեն³։ Դրա օգտին է խոսում Քրիստոսի պատկերից դեպի աջ, վատ պահպանված, սակայն որոշակիորեն երևացող գեղեցիկ, կապույտ թանկարժեք քարի պատկերը, որն ամենայն հավանականությամբ, ինչ որ հազուադեպ է զարդարել։ Նկա-

1 Թ. Թորամանյան, Նյութեր հայկական ճարտարապետության պատմության, Երևան, 1948, էջ 120, 121։

2 Л. Дурново, Стенная живопись в Аруче (ՀՍՍՀ ԳԱ «Տեղեկագիր» (հաս. գիտ.), Երևան, 1952, № 1, էջ 66)։

3 Նույն տեղում, էջ 66։

րազրված տեսարանից ներքև, ղլխավոր խորանի հյուսիսային կողմի պատին, տեղադրված են ամբողջ հասակով կանգնած վեց մարդկային պատկերներ: Ելնելով նրանց դիրքից, հագուստից, լուսապսակներից, նրանք, անկասկած, ներկայացնում են առաքյալներին, իսկ հարավային կողմի պատին պետք է եղած լինեին մնացած վեց առաքյալների պատկերները: Բացառիկ հետաքրքրական են առաքյալների ձևերում պահվող զրքերը, որոնց ճաշակով զարդարված կազմերը մեզ հասած հայկական հնագույն կազմերի պատկերներն են: Վարպետներն են նկարված առաքյալների ղեմերը, որոնց նկարիչը օժտել է խոր արտահայտչականությամբ:

Լ. Ա. Դուրնովն պատկերազրական կանոնների բնությունից հլնելով գտնում է, որ զարդադոտուց ներքև, առաքյալների սրանքում ընկած տարածության վրա, պետք է պատկերված լինեին տիրամայրը և հրեշտակներ: Այդ կառուցվածքը «հանդիսանում է «օրենք տվող աստծու» հորինվածքի պատկերազրական, գաղտնիարական և ավետարանում շարադրված «համբարձման» մեկնարանության համատեղումը»⁴:



Նկ. 1. Արուճի տաճարի ավագ խորանի ընդհանուր տեսքը:

Արուճի որմնանկարում տմնից լավ պահպանվել է զեղարվեստական մեծ արժեք ներկայացնող զարդադոտին, որը մինչև այժմ չի կորցրել իր հմայքը: Դա ականթի փարթամ թփերից պարբերաբար փերև և ներքև թերվող,

⁴ Л. Дурново. Очерки изобразительного искусства средневековой Армении, М., 1979, с. 142.

ոլորապատույտ հյուսված, կատարման թեթև ու ազատ եղանակով ստեղծված մի զարդաշար է, ուր պարուրածն պատված ճյուղերի արտիքներում երևում են խաղողի, նռան, զավաթի, մրդերով լցված զամբյուղի պատկերները: Նկարիչը բույսերի վառ երանգներով պատկերները տեղադրել է մուգ խորքի վրա, որը և առավել թովչանք է տալիս ստեղծագործությանը: Հենց ոլորանների զաղափարը, ականթի դուրս գալը խոշոր թփերից, տերևների խտությունը զարգացուցիչ ոճը մոտեցնում են Գառնիի տաճարի քանդակազարդ քիվերի ոճին⁵:

Արուճի հսկայածավալ տաճարը (16,95 մ × 34,6 մ) ծեփված է եղել ամբողջությամբ. այդ են հաստատում մյուս պատերի վրա պահպանված ծեփի մնացորդները, իսկ որմնանկարի մոտից (առաջայնների ոտքերից մի փոքր ներքև, մինչև հատակը) անցել է ողջ տաճարը երիզող գունային գոտի, որի հետքերը պահպանվել են սևացած:

Այժմ փորձենք պարզել, թե երբ է նկարադարձել տաճարը:

VII դ. 60—80-ական թվականներին անպարզարձող բոլոր հայ պատմիչները գտնեստով են հիշատակում եղբոր՝ Համազասպի մահից հետո արաբական պատանդությունից վերադարձած և Հայաստանի կառավարիչ (661—685 թթ.)⁶ նշանակված «եղբայրասէր, օտարասէլ, դարմանիչ սղքստաց և բարեպաշտ» իշխան Գրիգոր Մամիկոնյանին, որը և Արուճի տաճարի հիմնադիրն է: Հայոց պատմության շինարարական վերելքի այդ դարում նորեկ իշխանը, բնականաբար, անմիջապես իր աթոռանիստ Արուճում ձեռնարկում է եկեղեցու, ապա և շքեղ պալատի կառուցումը: «Եւ շինեաց նա (Գրիգոր Մամիկոնյանը—Վ. Մ.) տուն աղօթից ի գաւառն Արագածոյ ոտին ի յաւանն Արուճ՝ տաճար փառաց անուան տեառն՝ գեղեցիկ վայելչութեամբ զարդարեալ ի յիշատակ անուան իւրոյ»⁷:

Առ այսօր Արուճի տաճարին այս կամ այն կերպ անդրադարձող ուսումնասիրողները նրա կառուցման ժամանակի համար բերում են ամենաբազմազան թվեր, շահագնելով ընդհանուր եզրակացություն: Շիփթության պատճառը տաճարի արևելյան պատի՝ բավական լավ պահպանված⁸, շինարարական արձանագրությունն է՝

Ի ԵԻ (Թ) ԱՄԻ ԿՈՍՏԱՆՏՆԻ ՄԱՐԵ

ՐԻ ԱՄՍՈՅ ՈՐ ԱԻ(Ր) Ժ ԵԻ Ե ՀԻՄՆ

ԱՐԿԵՑԱԻ ՍՈՒՐԲ ԿԱԹՈՂԻԿԵՍ

Ի ՁԵՌՆ ԳՐԻԳՈՐԻ ՄԱՄԻԿՈՆԵՆԻ

ՀԱՅԻՈՅ ԻՇԽԱՆԻ ԵԻ ՀԵՂԻՆԷ

Ի ՆՈՐԻՆ ԶՈՒԳԱԿԼՅԻ

Ի ԲԱՐԵՆԱԻՍՈՒԻԻԻՆ ՇԻՆԱԻ

ՂԱՅ ՉՍԱ:

⁵ Л. Дурново, Краткая история древнеармянской живописи. Ереван, 1957, с. 12.

⁶ А. Тер—Гевондян, Армения и арабский халифат, Ереван, 1977, с. 51.

⁷ Ղևոնդ Արեց. Արշականք արարաց ի Հայս. Փարիզ, 1957, էջ 33:

⁸ XVI—XVII դարերում, ուրիշ եկեղեցիների նման, Արուճի տաճարը նույնպես օգտագործվել է որպես ամրություն, որի համար արևելյան կողմում բրգածն մի հավելված է ավելացվել: Դրա հետևանքով արձանագրությունը մի քանի հարյուրամյակ մնացել է ծածկված և բիշ է քայքայվել:

Բանն այն է, որ արձանագրության մեջ նշված է բյուզանդական Կոստանդ կայսեր կառավարման 29-րդ տարին (Ի ՆԻ Թ), մինչդեռ հայտնի է, որ վերջինս 27 տարի է միայն կառավարել: Անճշտությունն ակնառու է: Այս կապակցությամբ տարբեր ժամանակներում մի շարք հեղինակավոր գիտնականների կատարած զանազան ենթադրությունները ոչ մի կերպ չեն պարզում հարցը: Տաճարի կառուցման թվականը որոշելու համար հիմնականում ուշադրություն է դարձվել բյուզանդական կայսրեր Կոստանդի (641—668 թթ.) և Նրա հաջորդ Կոստանդին IV-ի (668—685 թթ.) անունների հնարավոր շփոթության վրա: Կասկածից զուրս համարելով արձանագրության «Ի ՆԻ Թ» թվականը, Ն. Մառը ենթադրում է, որ Հայաստանում կարող էին չիմանալ, որ բյուզանդիայում արդեն 3 տարի նոր կայսր է դահակալում և արձանագրությունում նշված թվականը համարում է 670 թ.⁹:

Հ. Օրբելին անձամբ տեսած չլինելով արձանագրությունը և չկասկածելով, որ տաճարը VII դարում կառուցված է Գրիգոր Մամիկոնյանի կողմից, արձանագրության տեքստի քննությունից ելնելով, ենթադրում է, որ այն XI դ. արտագրություն¹⁰ է: Հենվելով Օրբելու սույն ենթադրության վրա, Զուբինաշվիլին Արուճի տաճարը համարում է X դ. կեսերի կառույց¹¹:

Վ. Հարությունյանի կարծիքով Արուճի տաճարի շինարարությունը սկսվել է 667—668 թթ.¹², իսկ «Ակնարկ հայ ճարտարապետության պատմության» հեղինակները տաճարի կառուցման ժամանակաշրջանը համարում են VII դ. 70—80-ական թվականները¹³: Տաճարի կառուցման ժամանակի մասին կարծիքների տարբերությունը, ինչպես տեսնում ենք, տարիներից հասնում է տասնամյակների, նույնիսկ դարերի, կասկածի տակ է առնվում արձանագրության բնագիր լինելը¹⁴, փորագրողի սխալը մեկնաբանվում է տարբեր կերպ¹⁵ և այլն:

Նախ, նկատենք, որ Արուճի տաճարի կառուցումն ավարտելու թվականը կարող է որոշվել միմիայն մատենագրական աղբյուրների հիման վրա. թեկուզ այն պատճառով, որ արձանագրության մեջ նշված թվականը վերաբերում է ոչ թե շինարարական աշխատանքների ավարտին, այլ, մեր կարծիքով, տաճարի հիմնադրման արարողությանը՝ «հիմնարկութիւն եկեղեցւոց», որը կատարվում է եկեղեցիների հիմնադրման հատուկ կանոններով¹⁶, Արուճից ընդամենը 22 տարի առաջ կառուցված Բաղավանի եկեղեցու արձանագրության սկզբում ասվում է, որ այն հիմնադրվել է Հերակլ կայսեր 21-րդ տարում՝ 631 թ. «Հիմնարկի սյրո եկեղեցւոյս...», իսկ արձանագրության վերջում նշվում է, որ շինարարությունը ավարտվել է նույն կայսեր 29-րդ տարում՝ 639 թ. «Եղեւ կատարումն նոյն զործոյս...»:

⁹ Н. Я. Марр, Армянская церковь в Аруче («Известия Археологической комиссии», 1904, вып. 12, с. 61—67).

¹⁰ И. А. Орбели, Избранные труды, Ереван, 1963, с. 423.

¹¹ Г. Н. Чубинашвили, Разыскания по армянской архитектуре, Тбилиси, 1967, с. 116.

¹² В. М. Арутюнян, По поводу датировки храма в Аруче, Ереван, 1946, с. 30.

¹³ «Ակնարկ հայ ճարտարապետության պատմության», Երևան, 1964, էջ 171.

¹⁴ И. А. Орбели, նշվ. աշխ., էջ 404.

¹⁵ Ա. Ա. Մանուչարյան, Քննություն Հայաստանի V—X դարերի շինարարական վկայագրերի, Երևան, 1977, էջ 100—103.

¹⁶ Մատենադարան, ձեռ. А: 6326, էջ 8ա:

624—631 թթ. կառուցված Բագարանի եկեղեցու արձանագրությունում նույնպես կարդում ենք երկու հիշատակություն. մեկը հիմնադրման՝ «...ձգեաց զհիմունս սրբո եկեղեց[ւոյս]» և մյուսը՝ ավարտի մասին. «...կատարեաց սուրբ եկեղեցիս...»¹⁷:

Արուծի արձանագրությանը կանգրադառնանք քիչ հետո, իսկ այժմ դիմենք մատենագրական աղբյուրներին, որոնք միաձայն հաղորդում են տաճարի ավարտման թվականը:



Նկ. 2. Հատված որմնանկարի զարդագոտուց:

Սամվել Անեցու ժամանակագրության ամենահին օրինակում, գրված 1176 թ. Անաստասի կաթողիկոսության հինգերորդ տարվա դիմաց, կարդում ենք. «Շինուած կաթողիկէին յԱրուծ, յորում մկրտի նահատակն Քրիստոսի Դաւիթ՝ որ յաշխարհէն Պարսից եկն՝ Սուրճան անուն և վասն վկայութեան Քրիստոսի կախեցաւ զփայտէ ի Դիւն»¹⁸: Մատենագրական բոլոր աղբյուրները Անաստաս կաթողիկոսի զահակալությանը տալիս են վեց տարի, 661—667 թթ., ուստի նրա հինգերորդ տարին 666 թ. է: Նույն միտքն է հաստատում նաև Կիրակոս Գանձակեցին. «Ի հինգերորդ ամի Անաստասայ եղև շինուած կաթողիկէին՝ որ յաւանն Արուծ, զոր շինեաց Գրիգոր Պատրիկն, յորում մկրտր նահատակն Քրիստոսի Դավիթ...»¹⁹: Ուրեմն, տաճարի կառուցումն ավարտվել է 666 թ.: Այս առումով հետաքրքրական է նաև Դավիթ Դվինեցու Վարքը: Ազգությամբ պարսիկ զորական Սուրճանը դիմում է Գրիգոր Մամիկոնյանին քրիստոնեություն ընդունելու խնդրանքով: Իշխանը ոչ միայն ընդառաջում է նրան, այլև դառնում Սուրճանի կնքահայրը, նրա վրա դնելով իր հոր անունը՝ Դավիթ²⁰, իսկ մկրտությունը տեղի է ունենում Անաստաս կաթողիկոսի ձեռքով, Արուծի տաճարի օծման սրբ:

Այժմ վերադառնանք արձանագրության խնդրին, որը, ինչպես տեսանք, տաճարը թվագրելու համար վճռորոշ նշանակություն չունի, և ցույց է տալիս,

¹⁷ Ա. Ա. Ս ան ու չ ա ռ յ ա ն, նշվ. աշխ., էջ 70, 59:

¹⁸ Մատենագրարան, ձեռ. № 5619, էջ 79ա:

¹⁹ Կ ի ռ ա կ ո ս Գ ա ն ձ ա կ ե ջ ի, Պատմություն հայոց, աշխատասիրությամբ Կ. Մելիք-Օ՛նանջանյանի, Սրբան, 1964, էջ 62:

²⁰ «Լիակատար վարք և վկայարանություն սրբոց», Վենետիկ, 1810, էջ 561:

թե երբ են սկսվել շինարարական աշխատանքները: Մինչև 1971 թ. ուսումնասիրողներից ոչ մեկը չի նկատել, որ արձանագրության «Թ» թվականը վերցրված է փակագծերի մեջ, որը և թյուրիմացության մեջ է զցել գիտնականներին: Արձանագրության «Թ» գիրը փակագծերում կարդալուց հետո Ա. Շահինյանը իրավացիորեն ենթադրում է, որ «Թ»-ի սխալ լինելը նկատվել է հենց գրության ժամանակ, բայց քանի որ նա «հիմնարկեցալ» սխալմամբ մեկնաբանում է որպես ավարտ («շինեցալ» կամ «կատարեցալ»), գտնում է որ «Թ»-ի փոխարեն պետք է «Դ» եղած լիներ: Այդ դեպքում Կոստանդինի Ի և Դ (24) տարին կհամընկնի 665 թվականին: Ապա բերելով Կիրակոս Գանձակեցու վկայաբանությունը տաճարը Անաստասի հինգերորդ տարում շինելու մասին, Ա. Շահինյանը կառուցման ավարտը հանգեցնում է 665/666 թվականին²¹: Համաձայնվելով 666 թ. հետ, պետք է նկատենք, որ «Թ»-ի և «Դ»-ի շփոթման ենթադրությունն անընդունելի է, որովհետև ա) այդ երկու տառերը պծագրական պատկերներով բոլորովին նման չեն իրար, ուրեմն տեսողական շփոթությունը բացառվում է, բ) անուններով մեկը «թո» է, մյուսը «դա», ուստի բացառվում է նաև լսողական շփոթությունը: Պետք է նկատի ունենալ նաև, որ՝ գ) հայոց գրերը որպես թվականներ օգտագործվելիս ներկայացվել են թվային արժեքներով, իսկ «քսան և ինը» «քսան և չորսի» հետ չի շփոթվի: Իրողությունն այն է, որ, իրոք, գործ ունենք փորագրող վարպետի սխալի հետ, որը, հավանաբար, շփոթելով «քսան և ինը» ու «քսան և միը» «Թ»-ն վերցրել է փակագծերի մեջ: Իսկ սխալը ջնջելով չի ուղղվել, որովհետև արձանագրությունը սեղմ է փորագրված և Աս-ն ավելացնելու տեղ չի եղել: Եվ եթե անգամ «Թ»-ն բոլորովին անտեսենք, ապա միայն ամիսների տարբերություն պետք է առաջանա հիմնադրման թվականի մեջ:

«Ի և Ա»-ն 662 թ. է, միայն «Ի»-ն՝ 661, ուրեմն տաճարի հիմնադրումը տեղի է ունեցել 661 կամ 662 թ. սմարեթի ամսի Ժ և Ե-ին», որը մարտի 25-ն է:

Հավանաբար Արուճի պալատի վրա եղել է նաև մի ուրիշ արձանագրություն, ուր և նշված է եղել տաճարի շինարարության ավարտման տարին: Իերևա այդ է պատճառը, որ ո՛չ Անեցին, ո՛չ Գանձակեցին տաճարը թվագրելիս չեն հիշում որևէ բյուզանդական կայսրի, այլ նշում են հայոց կաթողիկոսի՝ Անաստասի հինգերորդ տարին, ակնհայտորեն ժամանակի այդօրինակ հաղորդումը համարելով ավելի արժանահավատ և անփոփոխ:

Արուճի տաճարը կառուցվել է բավական արագ 661/662—666 թթ.: Այդ մասին շատ արժեքավոր հիշատակություն է պահպանվել Հովհաննես Դրասխանակերտցու մոտ. «...Գրիգոր Մամիկոնեան աստուածային այցելութեամբ հիմնադրեալ սքանչազեղ եկեղեցին, որ ի դաստակերտին Արուճ՝ շինէ զնա ստիպով, ևրկնային իմ ճեմարան յարդարեալ ի վերայ երկրի»²²:

Այսպիսով, մատենագրական, ինչպես նաև արձանագրության ճշտված բնագրի հիման վրա, VII դ. համար փաստերի նման հարստության պայմաններում, կարող ենք համոզված սանել, որ Արուճի տաճարի կառուցումը ավարտվել է 666 թ.: նկատենք, որ պատմական հուշարձանի թվականը ոչ միշտ է համ-

²¹ Ա. Շահինյան, Արուճի տաճարի շինարարական արձանագրությունը (ՀՍՍՀ ԳԱ «Լրաբեր», 1971, № 1, էջ 78—84):

²² Հովհաննես Դրասխանակերտցի, Պատմություն հայոց, Թիֆլիս, 1912, էջ 90, 91.

րնկնում նրա որմնանկարի թվականի հետ, որովհետև վերջինս կարող է ավելի ուշ շրջանում նկարված լինել: Լ. Ա. Դուրնովոն, ելնելով Արուճի որմնանկարի պատկերագրական կառուցվածքի, կատարողական «ճի և արտահայտչական» մանրակրկիտ հետազոտությունից, գտնում է, որ այն միայն VII դ. կարող էր ստեղծված լինել և ոչ ուշ²³, Չունենալով տաճարի կառուցման ճշգրիտ ժամանակը և բերելով ուրիշ հետազոտողի կարծիքը (որ տաճարի կառուցումը սկսվել է 667—668 թվականներին)²⁴, Լ. Դուրնովոն, այնուամենայնիվ, Ղևոնդ երեցի վկայությունից ելլալուց հետո էլ, որ Արուճի որմնանկարը ժամանակակից է հուշարձանին²⁵, Եվ, իրոք, Արուճի կաթողիկեում չկա ոչ քանդակագործական աչքի դարձող ստեղծագործություն, ոչ խճանկար, ոչ էլ որևէ ուրիշ բան, որի մասին պատմիչը գրեր. «զեղեցիկ վաշիչութեամբ դարդարեալ, ի յիշատակ անուան իւրոյ»-ը, որը անկասկած վերաբերում է որմնանկարին: Տաճարի ներսի պատին, Գալաթիայի խորանի դիմաց, որմնասյան վրա պահպանվել է 867 թ. գրված մի արձանագրություն, որը փորագրելու ժամանակ պատից քերել են ծեփը (այն շատ պարզ երևում է մինչև օրս): Սա ևս մի ապացույց է, որ պատերը ծեփված են եղել 867 թ. առաջ: Արուճում VII դ. կեսերին նման բարձրարվեստ որմնանկարի հանգես գալը բնավ պատահական չի համարում Ս. Մնացականյանը: Նա գտնում է, որ այն սերտորեն շաղկապված է հայկական ճարտարապետության բուռն վերելքի հետ և ունի իր նախորդները, ինչպիսիք են Գառնիի հայտնի խճանկարը, որմնանկարների մնացորդների առկայությունը Աղցում, Քասախում, Երեբունյքում, Տեկորում, խճանկարի գոյության փաստերը Էջմիածնում, Գլինում, Երուսաղեմի հայկական եկեղեցում, Զվարթնոցում²⁶:

Տեղին է բերել նաև մինչ այժմ ուսումնասիրողների կողմից Արուճի տաճարի թվագրման և որմնանկարի հարցի առնչությամբ չքննված Մովսես Կաղանկատվացու մի շատ հետաքրքրական տեղեկությունը: Աղվանքի իշխան Զվանշիրը լինում է Արուճում, որտեղ նրան մեծ շուքով ընդունում է Գրիգոր Սամիկոնյանը և օրհնվում է հայոց Անաստաս կաթողիկոսի կողմից: Վերադառնալով Պարտավ, նա, պատմիչի վկայությամբ, «անմիջապես» գնում է տեղի իր կառուցած տաճարը և «...մեծ ծախսեր անելով նկարիչներ գործի դրեց և զմբեթից մինչև դռան բարավորները նկարեց ու պատահեց կերպասներով...»²⁷: Դժվար չէ նկատել, որ Զվանշիրն անպայման հարևան երկրի իշխանի տաճարում պետք է տեսած լիներ փառահեղ որմնանկարը: Հետաքրքիր է նաև, որ Աղվանքի իշխանը Հայաստանում է եղել 664 թ. հետո²⁸ մինչև 667 թ. այսինքն՝ Անաստասի մահվան տարին, այլապես նա չէր կարող կաթողիկոսի օրհնությունը ստանալ:

Բերված փաստերը հաստատում են, որ Արուճի որմնանկարը ժամանակակից է հուշարձանին, այսինքն՝ 666 թ. տաճարի օժման ժամանակ այն արդեն նկարված է եղել:

23 Л. Дурново, Степная живопись в Аруче, с. 61.

24 В. М. Арutyюнян, Եզփ. աշխ., էջ 30.

25 Л. Дурново, Եզփ. աշխ., էջ 55.

26 «Արևիկի հայ ճարտարապետության պատմություն», էջ 171.

27 Մովսես Կաղանկատվացի, Պատմություն Աղվանքի իշխանի, Երևան, 1969, էջ 153.

28 А. Н. Тер-Гевондян, Եզփ. աշխ., էջ 49—50.

Արուճի որմնանկարն ունի պատմամշակութային խոշոր արժեք: Այն մեղ հասած առաջին գեղարվեստական նկարն է, որը պահպանել է նաև նկարիչ-արվեստագետի անունը՝ ինքնագրով (պատվանդանի ճակատին գրված է «Ստեփանոս»՝ նկարի մեջ օգտագործված կանաչ ներկով): Վերից վար իջնող մազադաթյա փաթեթի վրա երկաթագրով գրված քաղվածքը փաստորեն առաջին հայերեն թվական ունեցող գրությունն է՝ 666 թ. (հայերեն թվակիր հնագույն ձեռագրերը IX դարից են): Լկվագ խորանի զարգացուցիչ վրա պահպանվել են երկու տառ՝ «Շ» և «Կ», որոնց իմաստը ցայժմ անհասկանալի է, սակայն դրանց գրության ձևը հին է և վերստին ցույց է տալիս որմնանկարի VII դ. լինելը: Վերապես, շատ կարևոր են առաքյալների ձեռքերում պահվող գրքերի կազմերի նկարները, որոնք զարգարված են թանկագին քարերով: Լինելով նկարազարդ կազմերի հնագույն նմուշ, դրանք վկայում են VII դ. հայ կազմարվեստի զարգացման բարձր մակարդակի մասին:

Արուճի 666 թ. որմնանկարը հայ գեղարվեստական մշակույթի պատմության ամենաարժեքավոր և լուրատիպ հուշարձաններից մեկն է:

РОСПИСЬ 666 ГОДА ХРАМА АРУЧ

КАРЕН МАТЕВОСЯН

Резюме

Храм Аруч и сохранившаяся в нем роспись датируются исследователями 60—80 гг. VII в. Данные эпиграфики и письменных источников, освещаемых по-новому, позволяют уточнить как дату постройки храма, так и время создания росписи. Храм Аруч был построен в промежутке между 661 и 666 годами по заказу армянского князя Григора Мамиконяна (661—685), а расписан был непосредственно по окончании строительных работ—в 666 г.

Роспись аручского храма имеет исключительно важное художественное и историко-культурное значение, являясь великолепным образцом искусства раннесредневековой Армении. Это первый памятник настенной живописи, сохранивший имя мастера-исполнителя—Степаноса. Как подпись мастера, так и надпись на свитке, который держит в руке Христос, являют собой интересные образцы древнего письма, а книги, изображенные в руках у апостолов, дают представление о переплетном искусстве того времени.